



REPRIEVE

LESEDINYANA LA MONKAKAROLO



Ho tswa ho sehlopha sohle sa REPRIEVE, re batla ho le leboha ka bonkakarolo ba lona ho REPRIEVE!

REPRIEVE e ya kwala ho latela kgothaletso ya Boto ya Tlhokomelo ya Datha le Polokeho (DSMB), sehlopha se ikemetseng sa baeletsi ho Mekgatlo ya Naha ya Bophelo bo Botle (NIH) e fanang ka dikgothaletso mabapi le ho qala, ho tswelapele, ho lokisa, le ho emisa phuputso. Qeto e ipapisitse le ho fokotseha ka 35% ho lemohilweng diketsahalong tse kgolo tse amanang le pelo, ho kenyelletswa le lefu la pelo le setorouku, ho bankakarolo ba sebedisang pitavastatin ha ba bapswa le sekamoriana. Hape ho bile le phokotseho ka 21% diketsahalong tse kgolo tse amanang le pelo tse kopantsweng hammoho le ho shwa ho ba sebedisang pitavastatin ha ho bapswa le sekamoriana. Ela hloko, ho ne ho se matshwenyeho a sa lebellwang a polokeho hara ba sebedisang pitavastatin.



Ditho tsa Sehlopha sa REPRIEVE Sebokeng sa Bafuputsi sa REPRIEVE ka CROI 2023.

Jwalo ka diphuputso tse ding tsa meriana ya pelo, ho ne ho e na le kotsi e eteksehang ka ho itekanetseng ya lefu la tswekere la mellitus le keketseho e neng e lebelletswe ya mesifa e opang le e boholoko. Leha ho le jwalo, ke bankakarao ba

fokolang haholo ba ile ba tlohela phuputso ka lebaka la ditlamorao tsena, mme habohlokwa ke hore ho ne ho se na ditlamorao tsa pitavastatin ditekong tsa ho sebetsa ha sebete kapa mathata a tshabehang a mesifa. DSMB e kgothaleteditse hore phuputso e emise kapele ka lebaka la melemo e bontshitsweng ya ho sebedisa pitavastatin le ho aba diphetho tse ntle. Bafuputsi ba REPRIEVE ba ntse ba hlahloba ditsela tsa ho etsa hore pitavastatin e fumanehe ho bankakarolo ba phuputso, ho latela ditlhoko tsa molao.

Jwalo ka ha o ka hopola, REPRIEVE e qadile ka 2015 mme ya ngodisa baithaopi ba 7769 ba dilemo tse 40 ho isa ho tse 75 dinaheng tse 12 ho hohle ho la Asia, Yuropa, Amerika e Leoya, Amerika e Borwa le Afrika e ka borwa ho Sahara. REPRIEVE ke phuputso ya pele e kgolo ya bongaka e lekang mokgwa wa ho thibela lefu le amanang le pelo ho batho ba phelang le HIV ba nang le kotsi ya lefu la pelo le tlwaelehileng le tlase ho isa ho le itekanetseng.

Ditlatsetso tsa hao jwalo ka monkakarolo ho REPRIEVE di bile bohlokwa haholo. Dilemo tse mashome tsa dipatlisiso le tswelopele ya kalafo ya HIV di fokoditse haholo mathata le ho shwa ho amanang le AIDS, mme jwale re utlwisia mokgwa wa ho tshehetsha bophelo ba pelo habetere ba batho ba phelang le HIV. Sena se ne se ke ke sa fihellwa ntle le lona, bankakarolo ba REPRIEVE ba rona! Diphumano tse tswang REPRIEVE di tla ba le melemo ya nako e telele molokong wa hao le melokong e tlang ya batho ba phelang le HIV. Re leboha haholo ka bonkakarolo ba hao REPRIEVE!

Re a leboha ho tswa ho Boetapele ba REPRIEVE!

REPRIEVE Dinnete

REPRIEVE ke phuputso e kgolo ka ho fetisia e abang moriana ka lotho hara batho ba phelang le HIV.



Pele ho REPRIEVE, ho ne ho e na le mekgwa e fokolang ya ho thusa ho thibela diketsahalo tse kgolo tse amanang le pelo ho batho ba phelang le HIV.

Re ithutileng ho fihlela hajwale?

- Tekanyo ya letsatsi le letsatsi ya pitavastatin e theola kotsi ya lefu le amanang le pelo ho batho ba phelang le HIV
- Pitavastatin e bolokehile ebile e mamellwa hantle ke batho ba phelang le HIV

Re ntse re tla kgona ho ithuta eng ho tswa ho datha eo o tlatseditseng ka yona bonkakarolong ba hao?

- Ditlamorao tsa pitavastatin maemong a kholeseterole le maemong a ho ruruha tse amanang le diketsahalo tsa lefu la pelo ke dife?
- Na ho sebedisa pitavastatin ho diehisa ho bokellana ha plaque methapong ya pelo ha nako e ntse e feta?
- Na ho na le ditlamorao tsa pitavastatin ho fokotsa kotsi ya mathata a mang a bongaka jwalo ka lefu la diphio, lefu la sebete le kankere?

Tsena ke tse ding tsa dipotso tseo re tshephileng ho di araba re ipapisitse le dimanollo tse tla etswa haufinyane. Dikgatiso tsa REPRIEVE kaofela di behilwe webosaeteng ya rona, www.reprievetrial.org

Ka kopo, latela setsi sa heno sa patlisiso ho ithuta hore na diphetho tsa mantlha le tse ding di fumaneha neng ho tswa REPRIEVE.

Kopana le Bankakarolo ba Bang REPRIEVE!

REPRIEVE e ka be e sa atleha ntle le ho tswela pele ho nka karolo le ho kenya letsoho ha bankakarolo ba rona, bao re ba lebohang haholo. Leha ho na le bankakarolo ba dikete tse REPRIEVE dikhonthinenteng tse 5, ka tlase ke boiphihlelo bo tswang ho ba seng bakae ba bona.

Janice Jarrells

RUTGERS, NJ

Boiphihlelo ba hao ka REPRIEVE e bile bofe?

REPRIEVE ke e nngwe ya diphuputso tse bonolo tseo nkileng ka nka karolo ho tsona! Ke ikutlwa ke phutholohile haholo, mohlomong hobane phuputso e hlakile mme ho ne ho e na le thuto e ntle ya pele ho moo. Ke ile kopanong ya Washington DC sethathong ha ho mengwa batho mme ho kopana le seholpha sa REPRIEVE e bile ntho e ntle! Ke ikutlwa ke le motlotlo ho thusa batho ba phelang le tshwaetso ya HIV ho utlwisia seo HIV e ka se etsang le seo mohlomong e seng e ntse e se etsa mmele, haholoholo ba nang le nako e telele ba phela le yona.



Phuputso ya REPRIEVE e bohlokwa hakae ho wena?

Ka ho tseba hore diphuputso tsohle ha di atlehe, ke utlwia eka REPRIEVE ke e nngwe ya tse atlehileng. Mabaka a ka a ho bua sena ke ka lebaka la thuto e fanwang pele o kena, dipuisano tsa prothokhole, tlhokomediso ya setjhaba le boto ya boeletsi ba setjhaba.

Ha ho lebella diphetho tsa ho qetela tsa REPRIEVE le dikgatiso tse tlang, o lebeletse ho bona dintho dife mabapi le kamoo phuputso e tla tataisa lefapha kateng?

Ke lebelletse hore REPRIEVE e tla re bolella hore na HIV e ama bophelo ba rona ba pelo jwang le ditsela tseo re ka thibelang kapa ra ntlatfatsang kamoo e amang batho kateng.

Dave le Darcy

VANCOUVER ISLAND, BC

Boiphihlelo ba hao ka REPRIEVE e bile bofe?

Ha re bua ka boiphihlelo ba rona phuputso e bile e se nang dintho tse ngata, ha rea ka ra ba le maikutlo a mabe ka phuputso kapa moriana mme re thabela ho bona Dr. Conway (mofuputsi setsing sa rona sa phuputso) le batho bohle ba amanang le phuputso kgafetsa.

Phuputso ya REPRIEVE e bohlokwa hakae ho wena?

Phuputso e re dumella ho kenya letsoho mohatong wa bohlokwa wa patlisiso le ho busetsa ka tsela e itseng ho ba bang ba nkileng karolo diphuputsong tse ding tse re ruisitseng molemo.

REPRIEVE e fapane jwang le diphuputso tse ding tse o kileng wa nka karolo ho tsona?

Phapang feela eo re e fumanang ka REPRIEVE le diphuputso tse ding tse re kileng ra nka karolo ho tsona ke bolelele ba yona, ke phuputso e telele empa ha e thata ho feta tse ding hore motho a ka nka karolo ho yona. Re ananela taba ya hore re thusa hore ho fumanwe tsebo.

Tsepamisa Maikutlo ho Tse Fumanweng

Bonkakarolo ba hao ho REPRIEVE bo kentse letsoho patlisisong tse mabapi le HIV le lefu la pelo, mme bo dumelletse bafuputsi ba REPRIEVE ho phatlalatsa ditlaleho ho tswa ho datha ya hao e bokeletsweng ha o kena. Ka tlase ke kakaretso ya atikele eo re e phatlaladitseng ka 2022:

Kotsi ya lefu la pelo hangata e hlahlojwa ka hore na motho o na le maemo a itseng a kotsi a bakang lefu la pelo, jwalo ka kholeseterole and phahameng. Ha ho se jwalo, kotsi e ka hlahlojwa ka bophelo bo botle ba pelo ka dintlha tsa Life's Simple 7 (LS7) tsa American Heart Association.

- Ba kenyeditsweng manollong ena e ne e le bankakarolo ba 735 ba REPRIEVE ba nang le kalohare ya dilemo tse 51.
- Manollo ena e fumane hore:
 - Batho ba fokollwang ke bophelo ba pelo le methapo ya pelo jwalo ka ha ho bontshitswe ke dintlha tse tlase LS7 ba ne ba e na le menyetla e ka bang 20% ya ho ba le mafura a mangata methapong ya madi e fepelang pelo.
 - Ho fokollwa ke bophelo ba pelo le methapo le hona ho ne ho amahannwa le boemo bo phahameng ba ho ruruha ha diprotheine tsa madi ho fihla ho 25%.
 - Dipuhumano tsena di fana ka tlhahisoleseding e molemo mabapi le potso ya bohlokwa ya hore na ke hobaneng ha batho ba nang le HIV ba e ba le kotsi e eketsehileng ya lefu la pelo. Diphuputso tsa nako e tlang tsa LS7 di ka thusa ho tataisa tlhokomelo ya bongaka le ho thusa ho fokotsa palo ya batho ba kulang le ba shwang ba nang le HIV.

Ka kopo, latela setsi sa heno sa patlisiso ho ithuta hore na diphetho tsa mantlha le tse ding di fumaneha neng ho tswa REPRIEVE.

LIFE'S SIMPLE 7



Re leboha batshehetsi
ba rona ka ditjhelete:

